



Na osnovu člana 16. Zakona o zaštiti od požara i vatrogastvu Federacije BiH ("Službene novine FBiH", broj: 64/09), člana 42., 43., 44., 45., i 46. Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara ("Službene novine FBiH", broj: 8/11), i člana 14. Statuta Općine Tešanj ("Službeni glasnik Općine Tešanj", broj 11/07), na prijedlog Općinskog načelnika, Općinsko vijeće Tešanj na svojoj \_\_\_\_\_ sjednici, održanoj dana \_\_\_\_\_ 2013. godine donijelo je

**O D L U K U**  
**O DONOŠENJU PLANA ZAŠTITE OD POŽARA OPĆINE TEŠANJ**

**Član 1.**

Ovom Odlukom donosi se Plan zaštite od požara Općine Tešanj (u nastavku teksta: Plan).

**Član 2.**

Plan u skladu sa Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara sadrži:

1. Prikaz postojećeg stanja,
2. Sistem uključivanja profesionalnih i dobrovoljnih vatrogasnih jedinica u akciju gašenja požara,
3. Sistem subordinacije i komandovanja u akcijama gašenja većih požara,
4. Način pozivanja i uključivanja distributera energenata u akciju gašenja požara,
5. Uključivanje komunalnih preduzeća u akciju gašenja požara,
6. Uključivanje službi za pružanje prve medicinske pomoći u akciju gašenja požara,
7. Uključivanje službi ili preduzeća te odgovornih osoba za osiguranje hrane i vode u akciju gašenja požara,
8. Način zamjene vatrogasnih jedinica s novim jedinicama na gašenju požara,
9. Način uključivanja Oružanih snaga u gašenju požara
10. Slučajevi kada se s nastalim požarom upoznaje načelnik općine, predsjedavajući Općinskog vijeća i druge osobe zadužene za zaštitu od požara u tijelima lokalne uprave,
11. Slučajevi kada se u akciju gašenja požara pozivaju, odnosno uključuju vatrogasne jedinice susjednih i drugih općina i gradova,
12. Slučajevi kada se vatrogasne jedinice upućuju kao ispomoć u gašenju požara susjednim i drugim općinama,
13. Načini i slučajevi upotrebe opreme i vozila posebne namjene u gašenju požara ili spašavanju ljudi,
14. Građevine i otvoreni prostori na kojima se može očekivati požar većih razmjera,
15. Nazivi građevina u kojima su sadržane radioaktivne eksplozivne, otrovne i druge opasne tvari,
16. Obaveze vatrogasnih jedinica za sačinjavanje taktičko-operativnih planova gašenja požara i spašavanja ljudi i materijalnih dobara, uz vršenje periodičnog uvježbavanja i provjere efikasnost,
17. Zadaci operativnog centra civilne zaštite općine,
18. Način dojave požara i postupak odgovornih osoba po primljenoj obavijesti o nastanku požara,
19. Sredstva za javno obavještanje građana o nastanku požara i njihova upotrebljivost,
20. Mjere zaštite od požara,
21. Grafički dio plana zaštite od požara,
22. Mjere obezbjeđenja izvršenja Plana i

23. Način izrade , usklađivanja, ažuriranja i čuvanja Plana zaštite od požara.

**Član 3.**

Plan je sastavni dio ove Odluke i nalazit će se u Službi civilne zaštite Općine Tešanj i čini sastavni dio cjelokupnog Plana zaštite i spašavanja Općine Tešanj od prirodnih i drugih nesreća.

Grafički prilozi čine jedinstveni sastavni dio cjelokupnog Plana zaštite i spašavanja Općine Tešanj od prirodnih i drugih nesreća .

**Član 4.**

Nadzor nad provođenjem Plana vršit će Služba civilne zaštite Općine Tešanj.

**Član 5.**

Ova odluka stupa na snagu danom objavljivanja u "Službenom glasniku Općine Tešanj".

Broj: 01- \_\_\_\_\_/13

Datum: \_\_\_\_\_ . godine

**PREDSJEDAVAJUĆI OV**

Fuad Šišić, dipl.ing.maš.

## **O b r a z l o ž e n j e**

### **I - PRAVNI OSNOV**

Pravni osnov za donošenje Plana zaštite od požara općine Tešanj sadržan je u članu 16. tačka 5) i članu 21. Zakona o zaštiti od požara i vatrogastvu Federacije BiH ("Službene novine FBiH", broj: 64/09) i Statuta općine Tešanj ("Službeni glasnik općine Tešanj", broj 11/07).

### **II - RAZLOZI ZA DONOŠENJE**

Zakonom o zaštiti od požara i vatrogastvu Federacije BiH u članu 16. definisane su nadležnosti općine u pogledu donošenja Plana zaštite od požara, iz čega je proizašla i obaveza u smislu njegovog donošenja. U članu 21. navedenog Zakona utvrđeno je da Plan zaštite od požara donosi Općinsko vijeće, na osnovu procjene ugroženosti od požara općine koju donosi općinski načelnik. Općinski načelnik je svojom odlukom (broj: 02-44-3-2724/13) donio Procjenu ugroženosti općine Tešanj od požara što je rezultiralo izradom Plana zaštite od požara.

Razlozi za donošenje ovog Plana zaštite od požara proizlaze iz odredaba Zakona o zaštiti od požara i vatrogastvu Federacije BiH i potrebe adekvatnog organiziranja i provođenja zaštite od požara na području općine Tešanj. Plan zaštite od požara predstavlja dokument koji određuje ciljeve, strategiju i usmerenja za razvoj zaštite od požara i omogućuje efikasniju organizaciju i funkcionisanje zaštite od požara.

**Obrađivač:**

**SLUŽBA CIVILNE ZAŠTITE**

**Pomoćnik općinskog načelnika**

**Mensur Saletović, prof.**

**Predlagač:**

**OPĆINSKI NAČELNIK**

\_\_\_\_\_  
**Mr.sc. Suad Huskić, profesor**

Broj: 02-44-3-2724-2/13  
Datum: 14.10.2013. godine